

<http://7lameslamer.net/ou-sa-ou-sava-mon-fra-1205.html>



Ou sa ou sava mon fra


- Lames de fond - Péï oublié -



Date de mise en ligne : vendredi 27 octobre 2017


Copyright © 7 Lames la Mer - Tous droits réservés

Dann fénoir toute lé noir ! Kèl côté zot la mèt mon maloya sorcié ? Ou sa ou sava mon fra...
Mi sar la case fati.



ou sa ou sava mon fra
mi monte dann rein volcan
sa pays sankouto
sankouto roi volcan

ou sa ou sava mon fra
en l'air piton des neiges
mi sar la case fati
grand fati roi des niang



mi monte dann rein volcan / sa pays sankouto / sankouto roi volcan (Lithographie Antoine Roussin).

ou sa ou sava mon fra
dann fond pays mafate
la ravine simandale
mafate sorcier malgache

ou sa ou sava mon fra

martyr la crie amoin
aguète son bel calou
son coco lé en sang




Illustration : Jean-Claude Legros.

ou sa ou sava mon fra

la nuite na grand-mère kal
atèr là-bas dann bois
acoute mon grand-mère kal

ou sa ou sava mon fra

mi sava cimetière
si la tonn sitarane
sitarane mon papa



Illustration Jean-Claude Legros.

ou sa ou sava mon fra

coup de fusil la pété
ramsamy la cachète

dann fenoir toute lé noir

ou sa ou sava mon fra



mi monte dann rein volcan
sa pays sankouto
sankouto roi volcan

ou sa ou sava mon fra

Jean-Claude Legros

(*La Réunion, 1969*)

Extrait du recueil « Ou sa ou sava mon fra, Paroles pays », 2005, Océan Éditions.



Kèl côté zot la mèt mon maloya sorcié ? Lithographie Antoine Roussin.



Illustrations : Jean-Claude Legros.